

ପିତରଙ୍କ ଦ୍ଵିତୀୟ ପତ୍ର ପିତରନେ ୨ ଉଲିଆଃ ପିତର ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପିତରନେ ଦୁତିୟ ଉଲିଆଃ ବାସଙ୍ଗତିଂକେ ଜେ ଆକେନ୍ ଉଲିଆଃ ବେବକ୍ଲେ ପିତରନେ ବାନ୍ ଗୁଆର୍ ତିଂଲେଃକେ । ମାତର୍ ଏଃକେ ଗୁଲେ ପଣ୍ଡିତ୍ଵଂ ଆକେନ୍ ସଡ଼ ଶୁଭାଗ୍ରେ ବାସଙ୍ଗ ତିଂଆରକେ । ତିଂଲେଃଏ ଆକେନ୍ ବାରମ୍ଭୁଇଂ ପିତରନେ ବାଦୁଲ୍ ଗୁଆରବକେ । ଗୁଆରଶ୍ଵେ ବାସଙ୍ଗତିଂକେ ଜେ ମେଁ ଜିସୁ କିସ୍ଟନେ କେକ୍ଲେ ମୁଆଃନିଆ ସାକି ଲେଃକେ । ନିମାଣ୍ଡା ବାବରେ ଜିସୁନେ ବଦଲେ ବିସୟରେ ବାସଙ୍ଗତିଂକେ ୧:୧୭-୧୮ । ଜଦି ପିତର ଆକେନ୍ ଉଲିଆଃ ଗୁଆରକେ ତିଂଲେଃଏ କିସ୍ଟନେ ଜନମ୍ ଇଡ଼ିଂ ୫୭-୬୯ ବିତ୍ରେ ମେଁ ଗୁଏଃନେ ସିସେବାନ୍ ଆକେନ୍ ଗୁଆରବକେ । ପିତର ଶ୍ଵିଗ୍ ଆକେନ୍ ମେଁନେ ୨ ଉଲିଆଃ ଡାଗ୍ରେ ବାସଙ୍ଗତିଂକେ ୩:୧ । ପିତରନେ ପରଡୁମ୍ ଉଲିଆଃ ଗୁଆରକ୍ଲେ ଇଡ଼ିଂ ଆତେନ୍ ଗୁଆରନେ ବେଲା ଚାନ୍ ବିଃଟେ ଆକେନ୍କେ ଦୁତିୟ ଉଲିଆଃ ଡାଗ୍ରେ ବାସଙ୍ଗତିଂକେ ।

ମେଁ ସର୍ତ୍ତେ କିସ୍ଟିୟାନ୍ଇଂକେ ଆକେନ୍ ଉଲିଆଃନିଆ ଇନି ଆଃମ୍ୟାଡ଼ିଂକେ । ପିତର ବିସ୍ବାସିଇଂକେ ସାଆସ୍ ବିଃନେ ଆରି ନିମାଣ୍ଡା ବୁଆ ଡିକେଃନେ ନ୍ସା ବାରି ବଶ୍ଵ ବାବବାଦିଇଂନେ ସାମୁଆଁ ମାମାନେଃନେ ନ୍ସା ତରକ୍ ଆଃଡ଼ିଂନେ ନ୍ସା ଆକେନ୍ ଉଲିଆଃ ଗୁଆରତିଂକେ ୨ । ଜିସୁ ପାଙ୍ଗନେ ନ୍ସା ଜାବର୍ ବେଲା ଭୁଙ୍ଗଡ଼ିଂକେ ଡାଗ୍ରେ ବାସଙ୍ଗତିଂକ୍ଲେ ରେମୁଆଁଇଂକେ ଶୁଭାଗ୍ରେ ନ୍ସା ସାଆସ୍ ବିଃଡ଼ିଂକେ । ଇସ୍ପର୍ ଲେଃଗା ଶୁଭାତର୍ ସାପାରେ ଉଦାର୍ ବାଆରଏ ଆକେନ୍ ଇସ୍ପର୍ ଇକ୍ଟା ତିଂଡ଼ିଂକେ ୨ ପିତର ୩:୮-୯ । ଆକେନ୍ ମୁଇଂ ନିମାଣ୍ଡା ଜିବନ୍ନେ କାରନ୍ ୨ ପିତର ୩:୧୪ ।

ସାସ୍ତର୍ ବିତ୍ରେ ଲେଃକ୍ଲେ ସାମୁଆଁଇଂ

- ୧. ପିତର ମେଁ ନିଜର ପରିଚୟ ବିଷୟରେ ବାରି ମେଁନେ ପଡ଼େଣ୍ଡେଇଁକେ ଚିକନା ବିଷୟରେ । ୧:୧-୨
- ୨. ତେନ୍ ଇତିଂ ବିସ୍‌ବାସିଇଁକେ ନିମାଣ୍ଡା ବୁଆ ତିକେଃ ନସା ମନେ ଏତେ ବିଷୟରେ ତାଗ୍ଲା ଇସ୍‌ପର୍ ଆନେଃକେ ସାଆଜ୍ୟ ତିଂତିଂକେ । ୧:୩-୨୧
- ୩. ମେଁ ବଣ୍ଡୁ ବାବବାଦିଇଁକେ ତରକ୍ ଆଃତିଂରେ ସାରାସାରି ବେଲା ମେଇଁନେ ଆଡ଼ାତ୍ରା ମେଃନେ ଗଟେଏ ଆତେନ୍ ବାସଙ୍ଗିଂକେ । ୨:୧-୨୨
- ୪. ପିତର ଜିସୁ କିସ୍‌ଟନେ ବାଫ୍‌ମୁଇଁତର୍ ପାଙ୍ଗନେ ନସା ତିଆର୍ ତିଂରେ ନିମାଣ୍ଡା ବୁଆ ତିକେଃନସା ସାଆସ୍ ବିଷୟରେ । ୩:୧-୧୭

୧ ଜାଣ୍ଡେଃକେ ନେନେ ଇସ୍‌ପର୍ ଆରି ଆମ୍‌ଣ୍ଡେ ଜିସୁ କିସ୍‌ଟନେ ଦରମ୍ ନସା ନେଃ ରକମ୍ ବିସ୍‌ବାସ୍ ସୁଗୁଆ ମାଲେ ଇନାମ୍ ବା ଲେଃଆରକେ ମେଇଁନେ ତାଗ୍ଲା ଜିସୁ କିସ୍‌ଟନେ ସେବକ ଆରି ବେକ୍ଟେ ସିସ୍ ଶିମୋନ ପିତରନେ ଉଲିଆ ।

୨ ଇସ୍‌ପର୍ ଆରି ନେଃ ମାପୁରୁ ଜିସୁ କିସ୍‌ଟନେ ବିସ୍‌ୟରେ ପେନେ ବୁଦି ବାନ୍ ପୁରୁନ୍ ବାବ୍‌ରେ ପେନେ ଅନୁଗ୍ରଥ ଆରି ସାକ୍ତି ତିଂଲେ ।

ଇସ୍‌ପର୍ ଖାନେ ଆରି ସିସ୍ ସିନେ

୩ ଚିକ୍ ବାବ୍‌ରେ ଦରମ୍ ଜିବନ୍ କାଟେ ନସା ନେଃନେ ମେଃ ମେଃନେ ଦରକାର୍ ଆତେନ୍ ଇସ୍‌ପର୍ ନିଜର୍ ଇକ୍‌ଟା ବପୁରେ ଆନେକେ ଦାନ୍ ତିଂବକେ । ଜା ନିଜର୍ ମଇମା ଆରି ଦରମ୍‌ନିଆ କୁଡ଼େଃ ନସା ଆନେକେ ଖାବକେ ଆମେକେ ମ୍ୟାକ୍ଟେ ବାନ୍ ନେ ଆକେନ୍ ଦାନ୍ ବାନେଲେଃକେ । ୪ ଦେକ୍‌ରକମ୍ ମେଁ ଆନେକେ ମେଁନେ ପାର୍‌ମାନ୍ ଅନୁସାରେ ଜାବର୍ ମ୍ଲା ଆରି ଜବର୍ ଦାନ୍ ବିଃବକେ । ଆକେନ୍ ସାପା ଦାନ୍ ଏତେ ପେଇଁ ଆକେନ୍ ମଞ୍ଚୁପୁରନେ ବିନାସ୍ ତିଂଣ୍ଡେ ଦଦ୍ୟା କାମବାନ୍ ଉଦାର୍ ବାନ୍‌ସା ନିଜର୍ ଇକ୍‌ଟାରେ କୁଡ଼େଃପା । ୫ ମେଇଁ ମ୍ୟାଃଟେଂରେ ଆବଃବିଆର୍‌ଏ ଜେ ଅଃସେ ଇସ୍‌ପର୍ ବାସଙ୍ଗିଂକେ ଆରି କିତଂଇନି ଆରି ଦର୍ତ୍ତନି ଉବ୍‌ଜେ ଖେଗେ ! ଦର୍ତ୍ତନି ଶ୍ରିଆବାନ୍ ଆରି ଶ୍ରିଆ ନସା ଦର୍ତ୍ତନିକେ ଉବ୍‌ଜେକେ; ୬ ଆତାନ୍ ବାଞ୍ଜିର୍ ଦର୍ତ୍ତନି ମେସୁଃଆ ଖେଗୁର୍ ବୁଆଶ୍ରିଆ ଏତେ ବୁଡ଼େ ତିଂଖେଗେ । ୭ ଦରମ୍ କାମ୍ ଏତେ ବୟ୍ ଆଲାଦ୍ ଆରି ବୟ୍ ଆଲାଦ୍ ଏତେ ଆଲାଦ୍ ଆଃମିସୁ ନସା

ନିଜେ ଚେଷ୍ଟା ତିଂପା । ୮ ଆକେନ୍ ସତ୍ ଗୁନ୍‌ଇଂ ନାନେ ଦର୍‌କାର୍; ଆକେନ୍ ସାପାନ୍ନିଆ ପେ ପୁରନ୍ ପେଡିଂଲା ପେ ବାଲେଃଃକ୍ଲେ ମାପୁରୁ ଜିସୁ କିସ୍‌ଟନେ ବୁଦି ଆନାକେ ଜିବନ୍ ଆରି ରୁରୁ ଆଃଡିଂଚେ ବଏ । ୯ ମାତର୍ ଆକେନ୍ ସାପା ଜାଡାଗ୍ରା ଶୁ, ମୈ ସ୍ଲନେ କିକେ ମାୟାଚେ କାନା ତିଂଲେଃଃକେ, ବାରି ନିଜର୍ ଅଃସେ ତିଂବକ୍ଲେ ପାପ୍‌ବାନ୍ ପବିତ୍ର ତିଂନେ ସାମୁଆଁ ଆବଃ ଖେଲେଃଃକେ ।

୧୦ ଆତେନ୍‌ସା ଅ ବୟ୍‌ଇଂ ଇସ୍‌ପର୍ ଜେ ଆପେକେ ଖାବକେ; ଆକେନ୍ ଚିନ୍ତାକେ କାଲାଆଃ ଆଃଲେନେ ନସା ମାଲେ ଜତନ୍ ତିଂପା । ତେକ୍‌ରକମ୍ ତିଂଲା ପେଇଂ ଅଃନାଡିଗ୍ ନାନେ ବିସ୍‌ବାସ୍‌ବାନ୍ ଚେପ୍‌ଲଃ ନାଲଃଃଶୁ । ୧୧ ଆକେନ୍ ଉପାୟରେ ନେ ମାପୁରୁ ଆରି ଆମ୍‌ଶ୍ଟେ ଜିସୁ କିସ୍‌ଟନେ ମାଡାନେ ରାଜ୍ୟନିଆ ଗିଃଗାଃନେ ନସା ନାଁ ସର୍‌ତେ ଅଦିକାର୍ ବାପେଲେକେ ।

୧୨ ପେଇଂ ମାପୁରୁନେ ଦିନ୍ ପାଂ ନସା ପେ ସତ୍ ବାବ୍‌ରେ ଉର୍‌ଲେଃଃନେ ଦର୍‌କାର୍ । ଆତାନ୍ କାଲା ପାଙ୍‌ଲା ସୁଆ ଏତେ କିତଂଇନି ରୁର୍‌ମାର୍ ତିଂ ଖେଏ ଆରି କିତଂଇନି ଲେଃଃକ୍ଲେ ସାପା ସିସେବାନ୍ ଲେଃଃକ୍ଲେ ଜିନିସ୍‌ଇଂ ତାଡିରେ ଏଡିଆ ଖେଏ । ୧୩ ତାଗ୍ଲା କିତଂ ଆନେକେ ମୁଇଂ ସାମୁଆଁ ବିଃବକେ । ନେ ମେଃଃନେ ବାସ୍‌ଇକ୍ଲେ ଅନୁସାରେ ମୁଇଂ ମି କିତଂଇନି ଆରି ମି ଦର୍‌ନିନେ ଉର୍‌ନେଲେଃଃକେ । ଆତେନ୍ ଦାମ୍ କିକ୍‌ନେ ବାସାନେ ଜାଗା ତିଂଏ । ୧୪ ନେ ମାପୁରୁ ଜିସୁ କ୍ରିଷ୍ଟନେବାନ୍ ତିଆର୍ ତିଂକ୍ଲେ ସୁଚନା ବାନେଲେଃଃକ୍ଲେ ଅନୁସାରେ ଗିଆଃ ଆକେନ୍ ଗୁଏକ୍ଲେ ଗାଗ୍‌ଡେ ଡାନ୍ତାର୍‌ଏ ତାଗ୍‌ଚେ ନିଂ ମ୍ୟାକ୍ଲେଃଃକେ । ୧୫ ମାପୁରୁ ଡାଗ୍‌ଲେଃଃକେ ତାଗ୍‌ଚେ ନେ ରକ୍ୟା ନେବାକେ ଏନ୍ ମନେ ବପା । ଇସ୍‌ପର୍‌ନେ ବାଲେଃଃକ୍ଲେ ବୁଦିନେ ବପୁରେ ନେନେ ନିମାଣ୍ଡା ବୟ୍‌ ପାଉଲ୍ ଆପେକେ ଗୁଆର୍‌ନେ ବେଲା ମେଃଃ ଆତାନ୍ ସାମୁଆଁ ବାସ୍‌ବଗେ ।

କ୍ରିଷ୍ଟନେ ମଇମା ନିଜର୍ ମୁଆଃନିଆ କିକେଶ୍ଟେ

୧୬ ମାପୁରୁ ଜିସୁ କିସ୍‌ଟନେ ଗୌରବ୍‌ମୟ୍ ବାର୍‌ମୁଇଂତର୍ ପାଙ୍‌ନେ ବିସ୍‌ଏରେ ଆପେକେ ଆଃମ୍ୟାନେ ନସା ନେ ଏତେକ୍ଲେ ଉଃସା ଆଡାଡା ଆସା ନେଡିଂକେ ଶୁ । ନେ ନିଜର୍ ମ୍‌ମୁଆଃନିଆ ମୈନେ ମଇମା କିକେ ନେଲେଃଃକେ । ୧୭ ବାରି ଉଡିବେଲା ମ୍‌ଃ ଗୌରବ୍ ବାନ୍

ମେଁ ପାକା ଆକେନ୍ ସାମୁଆଁ ତିଂକେ, “ଏ ନେଙ୍ଗ୍‌ନେ ନିଜର୍ ଉଂଡେ ଆକ୍ଟେଅରିଆ ନେଂନେ ଜାବର୍ ସାନ୍ତି କ୍ଲେଃକେ” ଆଡେନ୍ ବେଲା ମେଁ ଆବା ଇସପର୍‌ବାନ୍ ବପୁ ବାରି ଗୌରବ୍ ବାକେ । ୧୮ ନେ ମେଁନେ ଏଃଡେ ପବିତ୍ର କଣ୍ଟାନ୍ତିଆ ନେଲେଃକେ କାଲା ନିଜେ କିତଂବାନ୍ ତାରକ୍ଲେ ଆକେନ୍ ସାମୁଆଁ ନେଅଁକେ ।

୧୯ ତେସାଃ ବାବବାଦିଇଂନେ ବାନ୍ ପର୍‌ତାର୍ ତିଂକ୍ଲେ ସାମୁଆଁନ୍ତିଆ ନେନେ ବିସ୍‌ବାସ୍ ମାଲେ ତାଟ୍ ତିଂଲେଃକେ । ଆଡ଼ତାଗ୍ରା ପେଇଂ ଡିଗ୍ ମନ୍ ବିଃନେ ଦର୍‌କାର୍, ତାଗ୍ଲା ଆଡେନ୍ ତାଂକିଗ୍‌ନ୍ତିଆ ମୁଇଂ କୁପିସ୍ ସୁଗୁଆ ଏଡେତେ ମିଡିଗ୍ ମାତାରାଃ ଜାକ ଆରି ପେନେ ଉର୍‌ଦେନ୍ତିଆ ତାରାଃ ବେଲାନେ ଚାଙ୍ଗୁଆ ମାତାର୍‌ନେ ଜାକ ଆଡେନ୍ ଅରିଆ ମନ୍ ବିଃଲା ନିମାଣ୍ଡା ତିଂଏ । ୨୦ ପେଇଂ ସାରାସାରି ଅଃକେନ୍ ତ ମ୍ୟାଃଲାଲାପା ଜେ ଦର୍‌ମସାସ୍‌ତୁର୍‌ନ୍ତିଆ ଗ୍ଲୁଆର୍‌କ୍ଲେ ମୁଃଡି ବାବବାଦି ଜାଡିଗ୍ ନିଜର୍ ବୁଦିରେ ବୁଜେ ଆୟା ଶୁ । ୨୧ ମୁଃଡି ବାବବାଦି ଅଃନାଡିଗ୍ ରେମୁଆଁନେ ଇକ୍‌ଚାବାନ୍ ତାର୍ ଆଲେଃକେ ଶୁ ମାତର୍ ଇସପର୍‌ନେ ବକ୍ଲଇଂ ପବିତ୍ର ଆମ୍‌ନେ ବାନ୍ ଅଲେଙ୍‌ଡାଲିଆତେ ବାସଙ୍ ବଆର୍‌ଗେ ।

୨

ମାପୁନେ ପାଂତିଂକ୍ଲେ ପର୍‌ମାନ୍

୧ ଅଃସେ ଡିଡି ରେମୁଆଁଇଂନେ ବିଡେ ବଣ୍ଡ ବାବବାଦିଇଂ ଶ୍ରିଗ୍ ତାର୍‌ଆର୍‌କେ; ତେଡ଼ରକମ୍ ପେନେ ବିଡେ ଡିଗ୍ ବଣ୍ଡ ବାବବାଦିଇଂ ତାର୍‌ଆର୍‌ଏ; ମେଇଂ ବିନାସ୍ ତିଂନେ ବେକାର୍ ସାମୁଆଁ ଲେଃଗା ବାସଙ୍‌ଚେ ମେଇଂନେ ଆଃମ୍ ରେମୁଆଁ ମାପୁରୁକେ ଆଃ ଗୁର୍‌ନା ତିଂଆର୍‌ଏ ବାରି ମେଇଂ ମାରିଆଃତୁଗ୍ ବିନାସ୍ ତିଂଆର୍‌ଏ । ୨ ଗ୍ଲୋଏ ଅଃସେ ପବିତ୍ର ବାବବାଦିଇଂ ଆଣ୍ଡିନେ ସାପା ଏଡେନେ ସାମୁଆଁ ଆତର୍‌ସା ବଆର୍‌ଗେ ଆରି ରକ୍ୟା ତିଂଶ୍ଟେ ମାପୁରୁନେ ଆଣ୍ଡିନେ ସାପା ସଡ଼ ସାମୁଆଁ ଆପେକେ ବେବ୍‌ଗ୍ଲେ ସିସ୍‌ଇଂ ବିଃବଆର୍‌ଗେ, ଆତାନ୍ ଆପେକେ ମନେ କ୍ଲାଗ୍ ନସା ନେଂନେ ଇକ୍‌ଚା । ୩ ସିସେ ପେଇଂ ମ୍ୟାଲେଃନେ ଦର୍‌କାର୍ ଜେ ଏନ୍ ଇଡିଂତାମ୍‌ଏଃନେ ଉଡିକ୍ଲିଗ୍ ଚାଃ ନିଜର୍ ଇକ୍‌ଚାରେ ଦଦିଆ କାମ୍ ତିଂତେ ବୁଆଡିକେଃଏ ।

୪ ଇସ୍‌ପର ପାପ ତିଂମ୍ୟାକ୍‌ସ୍ ଦୁର୍‌ଭଙ୍ଗେ କେମା ମାବିଷତେ ପାତାଲ୍‌ନିଆ ଜଗ୍‌କ୍‌ଗ୍‌ ବଗେ । ଆଡ୍‌ଅରିଆ ମେଇଂ ମ୍ମା ବିଚାର୍ ଦିନ୍ ଜାକ ତାଂକିଗ୍‌ନିଆ ନିମାଣ୍ଡା ତିଂରେ ଲେଃଆର୍କେ । ୫ ମେଁ ବାଞ୍ଜିର୍ ଦରତନିକେ ଡିଗ୍ ଆଆଡ୍‌ଡାର୍କେ ଶ୍ଟୁ ମାତର୍ ମୁଇଂ ଦର୍ମ ସାମୁଆଁ ବାସଙ୍‌ଶ୍ଟେ ନୋହକେ ବିନ୍ ଗୁ ରୁଆକେ ରକ୍ୟା ତିଂକେ । ୬ ଇସ୍‌ପର ସଦୋମ ଆରି ଗମୋରା ଇନି ଫ୍ଲାକ୍‌ଗ୍‌କେ ଡ଼ଣ୍ଡ ବିଚେ ସୁଆ ଏତେ ଦଂସ ଆଃଡିଂକେ ଆରି ଅଦାର୍‌ମିକ୍‌ଇଂନେ ଆଡ୍‌ଡା ମୋଃନେ ଗଟେଏ ଆକେନ୍ ଫ୍ଲାକ୍‌ଗ୍‌ ଇନିକେ ଆଡେନ୍ ଉଦାଅରନ୍ ରକମ୍ ବକେ । ୭ ଦଦ୍ୟା କାମ୍ ତିଂମ୍ୟାଆର୍କେ ରେମୁଆଁଇଂନେ ଅଦରମ୍ ବେବଆର୍ ନସା ଅପବିତ୍ର ତିଂଲେଃକ୍‌କେ ଦରମ୍ ରେମୁଆଁ ଲୋଟକେ ଇସ୍‌ପର ଆମ୍‌କେ । ୮ ଡିଃଡିକି ଆଡେନ୍ ଦରମ୍ ରେମୁଆଁ ମେଇଂନେ ବିତ୍ତେ ବାସା ଲେଃତେ ମେଇଂନେ ଅନ୍ୟାୟ୍ କାମ୍ କେଚେ ଆରି ଆଡେନ୍ ସାମୁଆଁ ଅଁଚେଃ କାଲାଆଃ ନିଜର୍ ଦରମ୍ ଜିବନ୍‌ନିଆ କସ୍‌ଟ ବାଆର୍କେ । ୯ ମାପୁ ମ୍ୟାଲେଃକେ, ଡିରକମ୍ ଦରମ୍ ରେମୁଆଁଇଂକେ ମେଇଂନେ ପରିକ୍ୟାବାନ୍ ରକ୍ୟା ତିଂନେ ତିଂଏ । ବାରି ଦଦ୍ୟା କାମ୍ ତିଂଶ୍ଟେଇଂକେ, ୧୦ ଡାଗ୍ଲା ମାପୁରୁନେ ଦିନ୍ ଡଙ୍ଗାରେ ସୁଗୁଆ ପାଏ । ଆତାନ୍ କ୍ଲା ମୁଇଂ ଲେଃଗା ଇଲ୍‌ଏଁ ଗର୍ଜେଚେ କିତଂଇନି ତାଂକିଗ୍‌ଝେଏ । କିତଂଇନିନେ ଗୁଅ ଚାଙ୍ଗୁଆଇଂ ମୋଃ ମୋଃନେ ଗିଃ ଝେଚେ ଦଂସ ତିଂଝେଏ । ଦର୍ତନିନେ ମୋଃନେ ସାପା ଜିନିସ୍ ବଃଚାଃଝେଏ । ୧୧ ମେଇଂନେ ବାନ୍ ଜାବର୍ ବପୁ ଆରି ଜବର୍ ବପୁକ୍‌ସ୍ ଦୁର୍‌ଭଙ୍ଗେ ଡିଗ୍ ଇସ୍‌ପରନେ ଡାଗ୍ଲା ଆଡେନ୍ ଗୌରବ୍‌ମୟ୍ ଜିବ୍‌ଇଂନେ ନିନ୍ଦା ତିଂରେ ଆମେଇଂକେ ଦସ୍ ଆଡିଂ ଶ୍ଟୁ । ୧୨ ପେଇଂ ମାପୁରୁନେ ଦିନ୍ ପାଁ ନସା ପେ ଉର୍ ଲେଃନେ ଦର୍କାର୍ । ଆତାନ୍ କାଲା ପାଙ୍ଗା ସୁଆ ଏତେ କିତଂଇନି ରୁର୍‌ମାର୍ ତିଂ ଝେଏ ଆରି କିତଂଇନି ଲେଃକ୍‌ସ୍ ସାପା ସିସେବାନ୍ ଲେଃକ୍‌ସ୍ ଜିନିସ୍‌ଇଂ ଡାଡିରେ ଏଡିଆ ଝେଏ । ୧୩ ଡାଗ୍ଲା ଇସ୍‌ପର ଆନେକେ ମୁଇଂ ସାମୁଆଁ ବିଃବକେ । ନେ ମେଁନେ ବାସଙ୍‌କ୍‌ସ୍ ଅନୁସାରେ ମୁଇଂ ମିଁ କିତଂଇନି ଆରି ମିଁ ଦର୍ତନିନେ ଉର୍‌ନେଲେଃକେ । ଆଡେନ୍ ଦାମ୍‌କ୍‌ଇଂନେ ବାସାନେ ଜାଗା ତିଂଏ । ୧୪ ତେଲାଲେଃ ବୟାଂଇଂ ଏନ୍ ଗର୍‌ନା ଗଟେନେ ନସା

ନେ ଉର୍ଦ୍ଦେଲେଖକେ । ତେସାଃ ପାପ୍ ଆରି ଦସ୍ ମାଡ଼ିଂନେ ନ୍‌ସା ମାଲେ କଷ୍ଟ୍ ପେଡ଼ିଂଏ । ମାପ୍‌ରୁ ଏତେ ସାନ୍ତିରେ ଲେଃ ନ୍‌ସା ତୁର୍ପା । ୧୫ ମେଇଂ ସିଦା ଗାଲି ଆନ୍ତାର୍‌ରେ ବିନ୍‌ଗାଲି ଝେଲେଃଆର୍କେ । ବିଓରନେ ଉଂଡେ ବାଲାମନେ ଗାଲି ମେଇଂ ଝେଡ଼ିଂଆର୍କେ । ମେଁ ଅନ୍‌ୟାୟ୍ କାମ୍ ତିଂରେ ତାରୁ ଅର୍ଜେନ୍‌ସା ଆଲାଦ୍ ତିଂକ୍ଲେସାଃ ୧୬ ମାଡର୍ ମେଁ ନିଜର୍ ପାପ୍ ନ୍‌ସା ବିରଦି ତିଂଲେଃଗେ ରେମୁଆଁ ସକ୍‌ରେ ମେଁନେ ଗଦ୍ ସାମୁଆଁ ବାସଙ୍‌ରେ ବାବବାଦିକେ ମ୍ୟାକ୍ଲେ କାମବାନ୍ ସ୍ଲୁ ଆଃଡ଼ିଂକେ ।

୧୭ ନିମାଣ୍ଡା ମେଁତରୁଇଂ ପେ ଏନ୍ ବିସୟ୍ ସିସେ ମ୍ୟାପେଲେଃକେ । ତେସାଃ ତରକ୍ ଲାଃଲାପା । ଆତାନ୍ ଦଦିଆ ରେମୁଆଁଇଂ ତିଂଡ଼ିଂକ୍ଲେ ଦଦିଆ କାମ୍ ନ୍‌ସା ପେ ନିଜେକେ ତିଂନେ ଆବିଗ୍‌ପା ନିଜେ ନିମାଣ୍ଡା ବିସ୍‌ବାସ୍‌ରେ ତରବର୍ ମାଡ଼ିଂରେ ତରକ୍ ଲାଃଲାପା । ୧୮ ମେଇଂ ଆଂକାର୍‌ରେ ଅର୍ଡ଼ ମାଲେଃନେ ସାମୁଆଁ ବାସଙ୍‌ଆର୍କେ; ଦଦ୍ୟାଣ୍ଡେଇଂନେ ବିତ୍ରେବାନ୍ ରକ୍ୟା ବାରେ ଆଣ୍ଡେ ଲାଗ୍‌ତମ୍ୟାକ୍ଲେ ରେମୁଆଁଇଂକେ ତାଆଁ ଦଦ୍ୟା କାମ୍‌ନେ ଲାଲ୍‌ସା ଆଃସୁଏରେ ପାନ୍‌ନ୍ଦିଆ କ୍ଲାଗ୍‌ଆର୍‌ଏ । ୧୯ ଆକ୍‌ମେଇଂକେ ଆଡେନ୍ ନାଲେ ବାସଙ୍‌ଣ୍ଡେଇଂ ମୁକ୍‌ତି ବିଃନ୍‌ସା ଆଦେସ୍ ବିଃଡ଼ିଂଆର୍କେ ଶୁଲ୍ଲା ମେଇଂ ନିଜେ ଦଂସ ଆଃଡ଼ିଂଣ୍ଡେ ଦଦ୍ୟା ଅବ୍ୟାସ୍‌ନେ ଚାକର୍; ତାଗ୍ଲା ରେମୁଆଁ ଆଣ୍ଡିନେ ସାମୁଆଁନେ ଆଲ ଲେଃନେ ମେଁନେ ମେଁ ଚାକର୍ । ୨୦ ନେଃନେ ମାପୁ ଆରି ଜିସୁ କ୍ରିସ୍‌ତେବାନ୍ ବୁଦି ବାରେ ଜାଣ୍ଡେଇଂ ସଂସାର୍‌ନେ ବିନାସ୍ ଆଃଡ଼ିଂଣ୍ଡେ ବପୁଇଂନେ ବାନ୍ ଉଦାର୍ ବାକ୍ଲେ ଇଡ଼ିଂ ବାର୍‌ମୁଇଂତର୍ ମେଁ ସାପାନେ ଆଲ ତିଂଏ ମେଇଂନେ ସାରାସାରି ଡଣ୍ଡ୍ ମୁଲ୍ ଡଣ୍ଡ୍‌ବାନ୍ ମାଲେ କଷ୍ଟ୍ ତିଂଏ । ୨୧ ଦର୍ମଗାଲି ମ୍ୟାପେ ଆଡ଼େତେ ବିଃକ୍ଲେ ପବିତ୍ରି ସିକ୍ୟାବାନ୍ ସ୍ଲୁ ତିଂନେ ବାନ୍ ନିମାଣ୍ଡା ତିଂଏ ଆଡେନ୍ ଅଃନାଡ଼ିଗ୍ ମାମ୍ୟାନେ ମାଲେ ନିମାଣ୍ଡା ପାଡ଼ିଂ । ୨୨ ଗୁସୁଃ ନିଜେ ଲୁଆର୍କେ ରୁଚଙ୍‌ ନ୍‌ସା ଆରି ଆଃକୁମାକ୍ଲେ ଗୁରୁଗ୍ କାଦନ୍ଦିଆ ତାଙ୍‌ବୁର୍ ନ୍‌ସା ବାରି ଆଣ୍ଡେଏ, ଆକେନ୍ ସଡ଼୍ ସାମୁଆଁ ମେଇଂନେ ତାଗ୍ଲା ଗଟେଲେଃକେ ।

୩

ମାପୁନେ ପାଂଡ଼ିଂକ୍ଲେ ପର୍‌ମାନ୍

୧ ମୈତରଇଂ ପେଡାଗ୍ରା ଗୁଆରନେ ଏନ୍ ନେନେ ମ୍ବାକ୍ଲିଗ୍ ଉଲିଆ । ନେଂ ଆପେକେ ଗୁଗୁଆରଣ୍ଡିଂ । ଆପେକେ ଉଡ଼ିକ୍ଲିଗ୍ ବିସୟ୍ ମନେ ପବିତ୍ର ଚିନ୍ତା ଏତେ ବିଃ ନ୍ୟା ନେଂ ମ୍ବାକ୍ଲିଗ୍ ଉଲିଆ ଗୁଆରଣ୍ଡିଂକେ । ୨ ଗ୍ଲୋଏ ଅଃସେ ପବିତ୍ର ବାବବାଦିଇଂ ଆଣ୍ଡିନେ ସାପା ବାବବାଦି ଆଡର୍ସା ବଆର୍ଗେ ଆରି ଉଦାରକର୍ତ୍ତା ମାପ୍ପରୁନେ ଆଣ୍ଡିନେସାପା ସାମୁଆଁ ଆପେକେ ବେକ୍ଲେ ସିସ୍ଇଂ ବିଃବଆକେ ଆଡେନ୍ ଆପେକେ ମନେ ଜ୍ଲାଗ୍ ନ୍ୟା ନେନେ ଇକ୍ଚା । ୩ ସିସେ ପେଇଂ ମ୍ୟାଲେଃନେ ଦରକାର୍ ଜେ ଏନ୍ ଇଡିଂତାମ୍ପୁଏଃନେ ଉଡ଼ିକ୍ଲିଗ୍ ଚାଃ ନିଜର୍ ଇକ୍ଚାରେ ଦଦିଆ କାମ୍ ତିଂଚେ ବୁଆଡିକେଃଏ । ୪ ମେଇଂ ଆପେକେ ଗିନ୍ ତିଂଚେ ସାଲ୍ୟାଃକ୍ଲୁଆର୍ଏ “ମେଃ ପାଏ ଡାଗ୍ଚେ ପର୍ମାନ୍ ତିଂମ୍ପୁଗେ ଶୁଲେଃ ? ମେଃ ଏକେ ଆଣ୍ଡିଡାଗ୍ରା ? ନେନେ ଅଃସେନେ ଆବାଇଂ ଗୁଏଃଲେଆର୍କେ । ଡାଗ୍ଲା ଦର୍ତ୍ତନି ଉବ୍ଜେକ୍ଲେ ମୁଲେବାନ୍ ଆଣ୍ଡିନେ ଡିରକମ୍ ଲେଃଗେ ଏଃକେ ଶ୍ରିଗ୍ ସାପା ତ ଦେଡ୍ରେକମ୍ ଲେଃକେ !” ୫ ମେଇଂ ମ୍ୟାଃଚେଂଚେ ଆବଃବିଆର୍ଏ ଜେ ଅଃସେ ଇସ୍ପର୍ ବାସ୍ବିଃକେ ଆରି କିଡ଼ଇନି ଆରି ଦର୍ତ୍ତନି ଉବ୍ଜେ ଝେଗେ ! ଦର୍ତ୍ତନି ଶ୍ରିଆବାନ୍ ଆରି ଶ୍ରିଆ ନ୍ୟା ଦର୍ତ୍ତନିକେ ଉବ୍ଜେକ୍ଲେ; ୬ ଆଡାନ୍ ବାଝିର୍ ଦର୍ତ୍ତନି ମେସୁଃଆ ଝେଗୁର୍ ବୁଆଣ୍ଡିଆ ଏତେ ବୁଡ୍ଡେ ତିଂଝେଗେ । ୭ ଡାଗ୍ଲା ଏକେ ଆଣ୍ଡିନେ କିଡ଼ଇନି ଆରି ଦର୍ତ୍ତନି ଲେଃକେ ଆଡାନ୍ ଇସ୍ପର୍ଚ୍ଚେ ଅନୁସାରେ ବାସ୍ବି ନ୍ୟା ସୁଆଡାଗ୍ରା ଦଂସ ତିଂନେ ନ୍ୟା ବକେ । ଆଣ୍ଡିନେ କାଲ୍ଲା ଅଦର୍ମାଣ୍ଡେ_ଇଂ ବିଚାର୍ ତିଂଚେ ବୁଡ୍ଡେ ଝେଆର୍ଏ ଆଡାନ୍ କାଲ୍ଲା ଜାକ ଆଡାନ୍ ନିମାଣ୍ଡା ତିଂ ଲେଃଏ ।

୮ ମାତର୍ ଅ ମୈତରଇଂ ମୁଇଂ ବିସୟ୍ ଆଆବଃଗେପା । ଇସ୍ପର୍ ନ୍ୟା ମେସୁଃଆ ଅଜାର୍ ମୁଆଁ ସୁଗୁଆ ଆରି ଅଜାର୍ ମୁଆଁ ମେସୁଃଆ ସୁଗୁଆ । ୯ ମାପୁ ମେନେ ପାର୍ମାନ୍ ପୁରନ୍ ଆଃଡିଂନେ ନ୍ୟା ଆରାଃତଙ୍ଗାର୍ ଶ୍ରି_ଜଦି ଉଡ଼ିରୁଆ ଆକେନକେ ତଙ୍ଗାରେ ଡାଗ୍ଚେ ଏତେ ଆର୍ଏ । ଶ୍ରିଲ୍ଲା ମାପୁ ପେନେ ଆଡାତ୍ରା ଜାବର୍ ସାମ୍ପାଲେ ତିଂକେ । ମେଁ ଆଚାଏକେ ଶ୍ରି_ଜେ ଜାଡିଗ୍ ମୁଇଂଡା ତିଗ୍ ବିନାସ୍ ଆଡିଂଲେଃ । ସାପାରେ ନିଜର୍ ନିଜର୍ ପାପ୍ବାନ୍ ଆଣ୍ଡେଆର୍ଏ, ଆକେନ୍ ମେନେ ଇକ୍ଚା ।

୧୦ ଡାଗ୍ଲା ମାପ୍ପରୁନେ ଦିନ୍ ତଙ୍ଗାରେ ସୁଗୁଆ ପାଏ । ଆଡାନ୍

କୁ ମୁଁ ଲେଖିବା ଲେଖି ଗର୍ଜେତେ କିତଂଇନି ତାଂକିଗ୍‌ଞ୍ଜେଏ । କିତଂଇନିନେ ଗ୍ରଥ ଚାକ୍ଷୁଆଇଂ ମେଃ ମେଃନେ ଗିଃ ଞ୍ଜେତେ ଦଂସ ତିଂଞ୍ଜେଏ । ଦର୍ତ୍ତନିନେ ମେଃନେ ସାପା ଜିନିସ୍‌ ବଃଚାଃଞ୍ଜେଏ । ^{୧୧} ନେଂ ମ୍ବାସଙ୍ଗକେ ସୁଗୁଆ ଡେକ୍‌ରକମ୍ ସାପା ବୁଡ଼େ ଞ୍ଜେଏ । ତେଲାଇଲେଃ ପେଇଂ ଡିରକମ୍ ରେମୁଆଁ ତିଂନେ ଦର୍‌କାର୍ ? ପେଇଂ ପବିତ୍ର ବୁଆଡ଼ିକେଃରେ ଇସପର୍‌ନେ ସେବା ତିଂନେ ଦର୍‌କାର୍ । ^{୧୨} ପେଇଂ ମାପ୍‌ରୁନେ ଦିନ୍ ପାଂ ନ୍‌ସା ପେ ଉର୍ ଲେଃନେ ଦର୍‌କାର୍ । ଆତାନ୍ କାଲା ପାଙ୍ଗଲା ସୁଆ ଏତେ କିତଂଇନି ବୁର୍‌ମାର୍ ତିଂ ଞ୍ଜେଏ ଆରି କିତଂଇନି ଲେଃକ୍‌ ସାପା ସିସେବାନ୍ ଲେଃକ୍‌ ଜିନିସ୍‌ଇଂ ତାଡ଼ିରେ ଏଡ଼ିଆ ଞ୍ଜେଏ । ^{୧୩} ଡାଗ୍ଲା କିତଂ ଆନେକେ ମୁଁ ସାମୁଆଁ ବିଃବକେ । ନେ ମେଃନେ ବାସଙ୍ଗକ୍‌ ଅନୁସାରେ ମୁଁ କିତଂଇନି ଆରି ମି ଦର୍ତ୍ତନିନେ ଉର୍‌ନେଲେଃକେ । ଆତେନ୍ ଦାମ୍ କିଂନେ ବାସାନେ ଜାଗା ତିଂଏ ।

^{୧୪} ତେସାଃ ଅ ମୈତରଇଂ ଏନ୍ ଗର୍‌ନା ଗଟେନେ ନ୍‌ସା ନେ ଉର୍‌ନେଲେଃକେ । ତେସାଃ ପାପ୍ ଆରି ଦସ୍ ମାଡ଼ିଂନେ ନ୍‌ସା ମାଲେ କଷ୍ଟ ପେଡ଼ିଂଏ । କିତଂ ଏତେ ସାନ୍ତିରେ ଲେଃ ନ୍‌ସା ଦୁର୍‌ପା । ^{୧୫} ମାପ୍‌ରୁ ଡାଗ୍‌ଲେଃକେ ଡାଗ୍‌ରେ ନେ ଉଦାର୍ ନେବାକେ ଏନ୍ ମନେ ବପା । କିତଂନେ ବାଲେଃକ୍‌ ବୁଦିନେ ବପୁରେ ନେନେ ନିଜର୍ ବୟା ପାଉଲ୍ ଆପେକେ ଗୁଆର୍‌ନେ ବେଲା ମେଃ ଆତାନ୍ ସାମୁଆଁ ବାସଂବଗେ । ^{୧୬} ନିଜର୍‌ନେ ସାପା ଉଲିଆଃଇଂ ଡାଗ୍‌ ପାଉଲ୍ ଏନ୍ ସାମୁଆଁ ଗୁଆର୍‌ମ୍ୟାକେ । ଅଃନା ଅଃନା ପାଉଲ୍‌ନେ ଉଲିଆଃଡାଗ୍‌ ଉଡ଼ିକ୍‌ିଗ୍ ସାମୁଆଁ ବୁଜେ ନ୍‌ସା କଷ୍ଟ ତିଂମ୍ୟାକେ । ଉଡ଼ିରୁଆ ଆତାନ୍ ସାମୁଆଁଇଂକେ ଦଦିଆ ବାବ୍‌ରେ ପଡ଼େମ୍ୟାଆକେ । ମେଇଂ ମୁରକ ଆରି ବିସ୍‌ବାସ୍‌ରେ ଦୁର୍‌ବଲ୍ । ଆତାନ୍ ରେମୁଆଁଇଂ ବିନ୍ ସାସ୍‌ରକେ ଶ୍ରିଗ୍ ଦଦିଆ ବୁଜେ ମ୍ୟାଃଆକେ । ଡାଗ୍ଲା ଡେକ୍‌ରକମ୍ ତିଂନ୍‌ସା ମେଇଂ ନିଜେ ବୁଡ଼େ ତିଂଆକେ ।

^{୧୭} ନିମାଣ୍ଡା ମୈତରଇଂ ପେ ଏନ୍ ବିସ୍‌ୟ୍ ସିସେ ମ୍ୟାପେଲେଃକେ । ତେସାଃ ତରକ୍ ଲାଃଲାପା । ଆତାନ୍ ଦଦିଆ ରେମୁଆଁଇଂ ତିଂତିଂକ୍‌ ଦଦିଆ କାମ୍ ନ୍‌ସା ପେ ନିଜେକେ ତିଂନେ ଆବିଗ୍‌ପା ନିଜେ ନିମାଣ୍ଡା ବିସ୍‌ବାସ୍‌ରେ ତରବର୍ ମାଡ଼ିଂରେ ତରକ୍ ଲାଃଲାପା । ^{୧୮} ଡାଗ୍ଲା ନେନେ

ମାପୁରୁ ଆରି ଆମ୍ଭେ ଜିସୁ କିସ୍ତନେ ବୁଦି ଆରି ଆସିର୍ବାଦରେ
ମ୍ନାଃପା । ମେଃନେ ମଇମା ଏକେ ଆରି କାଲାଆଃ ନେଃଲେପା ।
ଦନ୍ୟବାଦ୍ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c